

Խ Գ .

Ի՞նչ անեմ կամ ի՞նչ լինամ, չեմ հաւտար ու չեմ մոռանար.  
 Հագար եար կուտան փոխան, չեմ առնուր ու գթեզ չեմ ի տար.  
 Արե՛կ գայս ալեմս ի ժուռ, բեր ցըցուր զետ մէկ մի ալ,  
 Որ տամ իմ սըրտիս ումէտ, աչերուս ասեմ թե՛ Մի՛ լար:

Խ Դ .

Աշուն եր՝ եղաւ գարուն, ա՛հ քանի՛ կենանք մեք ի տուն.  
 Եկեք որ պաղչան մըտնունք ու խըմենք հետ ծառ շըքերուն.  
 Պըլպուլն ի վարդին սիրուն համբերե գինչ մանչն ի գինուն.  
 Նըստեր ի վերայ ճըղին, սաղմոսէ ինքըն տունէ տուն:

Խ Ե .

Սիրե՛մ գայդ սիրուն երեսդ որ լուսին ի մօտն է գերի.  
 Պագնե՛մ գայդ բարակ պըռկունքդ, որ շէքերն ի մօտն է լեղի:  
 Թուխ աչքդ ու կամար ունքերդ քան ըզծով կու զարնէ ալի.  
 Բերնիկդ է ի շիշ նըման որ վարդին ջըրովն էի լի:

Խ Զ .

Սոխախովդ ի վար կուգ՛ի, լուկ մէկ մի ուշիկ ձայն էած.  
 Դառնամ ի յետիս նայիմ, իօշ եարս է կանգներ՝ շար շապկանց.  
 Չլաչկիկն թուլումուլ կապեր, զկես ճակտին թողեր է ի բաց,  
 Թուխ աչուին ծարուր քաշեր, էտ քաֆրիկդ ելեր յօրինաց:

Խ Է .

Այս աստընւորիս վերայ, դու մատնի, ես ակն ի վերայ.  
 Դոր որ պաղ աղբիւր մի կայ, դու կանանչ, ես ցօղն ի վերայ:  
 Խընծոր ես ծառին ճըղին, ես կանանչ թըփիկի վերայ,  
 Վախեմ թէ աշունըն գայ, քեզ քաղեն, թուփըս չորանայ:

Խ Ը .

Յայդ դաշտեդ ի վայր գայի անարատ սըրտովս դեպ ի տուն.  
 Իմ եարըն ինծի դիպաւ, գոյնըն շատ քան գբարկ արեւուն.  
 Չոտկունքս ես արգել տըլի, պագ մ՛առնեմ ու երթամ ի տուն.  
 Իմ եարն ինձ ճուղապ երեստ, թե՛ Կացի՛ր, լինի իրիկուն,  
 Իմ հայրս ելնէ ժամ երթայ, անհաւատ մարիկս չէ ի տուն,  
 Արե՛կ, գթեզ ի ծոցս առնում, մինչ որ գայ լոյսն առաւօտս: